



**Quæstionum Canonicarum, In Quinque Libros
Decretalium, Tomus ...**

In Librum I. Decretalium, Per quadraginta, & tres Titulos distributum, in
quo agitur De Constitutionibus, Seu Legibus universim ...

Krimer, Ferdinand

Augustæ Vindelicorum, 1706

Articulus III. Quibus modis pactum vestiatur?

[urn:nbn:de:hbz:466:1-73031](#)

que, sed super aliquo faciendo vel omitendo; alias enim, qui consentiunt, in eandem conclusionem, seu veritatem, pacisci dicerentur, contra communem, ut notatum est superius.

ARTICULUS II.

Quotuplex sit pactum?

2560. Præcipua divisio pacti est in pactum *nudum*, & *vestitum*, seu *legitimum*, ut notat Abbas in c. 1. de *pactis*, num. 4. quatuor etiam aliae divisiones communiter afferantur. Nam alia sunt pacta *publica*; quæ sunt à Principe causâ Reipublicæ, qualia sunt pacta *de inducijs*, *de pace*, &c. dicunturque *fædera*, *L. Conventionum*, 15. ff. de *pact.* alia sunt *privata*, quæ incidunt a privatis; alia sunt pacta *expressa*, quæ consensu, verbis, aut literis *expressa* constant; alia *tacita*, quæ censerunt facta paciscentium consensu, vel voluntate solum præsumpta. Sic, qui debitori reddit cautionem, seu *Chirographum*, censetur tacite pacisci de non petendo debito, *L. 2. ff. de pact.* atque adeò remittere debitum; *Streinius in summa Juris Canon. p. 1. tit. 6. §. 1. n. 2.*

Ex *pactis* privatorum alia dicuntur *Juris gentium*, quæ nituntur solum naturali æquitate conventionis; alia *legitima*, quæ, præter naturalem æquitatem, juvantur etiam auxiliō legis, ut patient actionem, *L. Conventionum*, ff. de *pact.* &c. Alia sunt *pacta in rem*, quando quis generaliter paciscitur, ne petatur; alia *in personam*, ne vel à se, vel alia persona petatur; *L. Juris gentium*, ff. eod. Alia iterum sunt *pacta obligatoria*, quibus paciscentes obligantur ad aliquid faciendum, vel dandum; alia *liberatoria*, quibus obligatio tollitur. &c.

Pactum *nudum* est, quod nütitur sola paciscentium voluntate, & naturali æquitate, quin jure civili confirmetur; hinc nullam regulariter in foro externo (ut vietentur lites) parit obligationem efficacem cum actione civili conjunctam, sed tantum exceptionem, *L. Juris gentium*, cit. §. sed cum nulla. Dixi regulariter, propter dicenda n. 2613. Pactum *vestitum*, seu *legitimum* est, quod, propter partium *conventionem*, & naturalem æquitatem,

habet etiam quoddam juris adminiculum, ratione cuius uni partium adversus alteram in foro externo conceditur actio, hoc est, facultas prosequendi jus suum coram Judice, *L. Juris gentium*, cit. 2. 1. si autem petas, unde colligi debeat, quod aliquod pactum habeat tale juris adminiculum? Resp. si habeat unum ex sequentibus modis, quibus pactum, ex se nudum, vestiri dicitur.

ARTICULUS III.

Quibus modis pactum vestiatur?

2561. Esp. 1. pactum censeri *vestitum*, si transeat in contractum *nominatum*, & in suo genere perfectum; Molina cit. tr. D. 255. Nam utroque jure, vero contractui nominato conceditur actio. Exemplo sit: alicui promisisti *de mutuo*, te daturum 100. aureos, & alter acceptavit. Hæc conventio est *nudum* pactum, cuius naturalem obligationem Jus civile quidem non tollit; multò minùs executionem ejus prohibet, vel retractat: ne tamen tot in judicijs lites fiant, non confirmat, hoc est, non vult, ut *Judex* debitorem ad ejus executionem compellat, nisi transeat in contractum *nominatum*, vel alio modo vestiatur. Quando autem pactum ex se nudum transeat in contractum nominatum? dicam *inferius*.

Secundò pactum vestiri censetur, secunda impletione saltem ex una parte. Tunc enim impleti conceditur facultas agendi, hoc est, coram Judice petendi, ut & alter pactum impleat, vel rem sibi traditam restituat, prout Actoris interest, sic, ut *Judex* illi debeat suum auxilium, *L. naturalis*, 5. §. si quidem, ff. de *prescriptis verbis*; quo casu, si alter sit in mora culpabili, is, qui implevit, de jure Canonico, & naturali licet potest resilire, re sua repetita; fecus, si legitimè sit impeditus ab implendo, & implere velit, ut dicam in seq. ita *Layman lib. 3. tr. 4. c. 2. n. 2.*

Not. autem, actionem, qua is, qui pactum implevit, repetit rem suam, datam ob causam, causa non secuta vocari conditionem dati ob causam, causā non secutā; eam verò, quā compellitur contrahens, ut præstet id, de quo conventum est, vel quantum alterius interest, datum non esse, dici

Ecc 3

dici actionem in factum, seu prescriptis verbis. Qui igitur pactum ex parte sua sic implevit per rei conventæ traditionem, ei competit alterutra harum actionum, quam maluerit, L. naturalis cit. L. quoniam, C. eod. de quo infra, ubi dicam, quando in pactis, & contractibus detur locus concordia?

2564. Tertiò vestitur pactum, cum adjicitur aliud pactum, jure civili firmum, L. juris gentium, cit. §. quin imo, v. g. vendis Cajo domum, eo pacto, ut cum volueris, te inquitinum habeat. Hæc pactio seorsim, & sine venditione, esset pactum duntaxat nudum; quia tamen adjicitur venditioni per coherentiam cum ea, vestitur. Not. tamen ex Pirhing de pact. §. 1. nn. 5. requiri, quod pactum adjiciatur ei, quo vestitur, in continent, & non ex inter-
vallo; nimis antequam ad alia diver-
tamus, ut explicat Haunoldus de Jure, &
just. tom 3. tr. 8. c. 1. à n. 18.

2565. Quartò vestitur stipulatione. Stipulatio autem est contractus, olim interrogatio-
ne, & responsione perfectus, v. g. dicente uno, promittis dare 100. aureos pro hoc equo? & respondente altero: promitto, L. ex placito, 3. C. de rerum permutatione; hodie tamen promissiones, & pacta communiter confirmantur vel instrumento publico Notarii; vel manu propria, aut ob-signatione promissoris; Molin. tr. 2. D. 255. n. 5. Si vero instrumentum deper-
datur, ejus contenta probantur per testes, qui illud perlegerunt, si deponunt de te-
nore, & quod erat sine vitio, c. cum olim,
de privilegiis.

2566. Quintò vestiuntur pacta legis auxiliō, seu assistentiā, ut notat gloss. in L. Juris gentium, §. sed cum nulla, V. igitur ff. de pactis. Nam ex donatione acceptata, jure novo oritur actio civilis ad rei traditio-
nem, L. si quis, 5. Q. sed si quidem, C. de donationibus. Idem est, de acceptata simplici donatione dotis, idque in favorem matrimonij, L. unic. C. de rei Uxor. actio-
ne, L. ad exactiōnem, C. de dotis promiss. Idem extendit ad nudam promissionem, qua quis promittit solvere debitum alienum, sive hoc ex naturali, sive civili ob-
ligatione proveniat; vel, qua quis pro-
mittit solvere alio die, aut loco debitum proprium, quod ipse debebat, vel ex alia causa, vel alio modo, L. 1. & 2. ff. de con-

stitut. pecun. & q. constituta, Institut. de actionib. Molin. D. 255. n. 7.

Sextò vestitur pactum juramento appo-
sito. Nam ex pacto, solo jure civili irri-
to (ut est alienatio fundi dotalis, vel alie-
natione facta per minorem sine debita so-
lennitate) si appositum sit juramentum,
jure civili conceditur actio, authent. Sa-
crament. impuberum, C. si adversus ven-
ditorem. Constat etiam ex jure Cano-
nico teste Covarruv. in cap. quamvis, de
pact. p. 2. §. 4. n. ult. ita Layman cit. n. 2.
in fine Lessius, lib. 2. de Just. c. 17. n. 25.
Excipe pactum, de quo nu. 2571. & seq.
Ex hoc à fortiori colliges, pactum juratum,
non irritum jure civili, censeri vestitum.
Pactum enim juratum, sed irritum jure
civili, non parit naturalem obligationem
iustitiae; sed tantum civilem, non natu-
rā pacti, sed beneficium juris, respicientis
juramentum; ex n. seq. Addit Pirhing præ-
dictis, de pactis §. 1. n. 5. in fin. pacta etiam
vestiri hoc ipso, quod sicut in judicio, L. 4.
§. fin ff. de fidei iussionib. Tutorum. Secundò,
etiam quasi contractu. Nam ex quovis
contractu datur actio; patet ex Institut.
tit. de obligationib. in Judiciis autem quasi
contrahitur, L. 3. §. item scribit, ff. de pe-
cul. & que in judiciis sunt, omnem contra-
ctuum solennitatem superant, L. 2. & 19.
C. de testimoniis. ergo.

Not. autem, signatè à me dictum, pa-
ctum juramento vestiri, non exprimendo
ly confirmari, ut abstraherem ab ea quæ-
stione, an pactum, seu contractus, inva-
lidus jure solum humano, consequenter non
obligans ex iustitia, per appositum jura-
mentum sic convalescat, ut non tantum
ex vi juramenti, & virtute religionis obli-
get; sed etiam ex vi pacti, & titulo iusti-
tiae? Ex quo vides, aliud esse, pactum ju-
ramento vestiri, aliud, confirmari, ut be-
ne notat Pirhing l. 2. decret. tit. 24. de ju-
rejurand. n. 131. nam si pactum solum
vestiatur juramento, non parit naturalem
obligationem iustitiae; secus, si confir-
metur.

ARTICULUS IV.

An pactum juratum obliget in vi pacti,
& iustitiae?

IN quæstione proposita, pactum, jure
tantum humano irritum, juramento
con-